



Reykjavík 06.12.2017

Borgarráð Reykjavíkur

Tjarnargötu 11
101 Reykjavík

Hér með sendist útskrift úr gerðabók umhverfis- og skipulagsráðs frá 7. janúar 2015 varðandi eftirfarandi mál.


Götu- og torgsala

Kynnt niðurstaða vinnuhóps sem skipaður var varðandi endurskoðun á samþykkt um götu og torgsölu í Reykjavík.

Samþykkt

Vísað til borgarráðs.

F.h. umhverfis- og skipulagssviðs



Harri Ormarsson

Fylgiskjal: endurskoðað samþykki

Samþykkt um götu- og torgsölu í Reykjavík

1. gr.

Tilgangur og almennar forsendur

Götu- og torgsölu er ætlað að glæða borgina lífi og auka við fjölbreytni í starfsemi og þjónustu í borginni. Götu- og torgsala á þannig að stuðla að áhugaverðri, litríkri og sjálfbærri borg.

Samþykkt þessi gildir fyrir allt borgarlandið og er ætlað að stuðla að því að sölustarfsemi sé í sátt við nærumhverfi sitt og að upplýsingar séu aðgengilegar og gagnsæjar.

Umhverfis- og skipulagssvið Reykjavíkurborgar (USK) fer með umsjón götu- og torgsölu og sér um leyfisveitingar, eftirlit og upplýsingagjöf í umboði borgarráðs. Sérstök nefnd, götu- og torgsölunefnd, skipuð af skrifstofustjóra skrifstofu reksturs- og umhirðu borgarlandsins (SRU), skal fara með málefni götu- og torgsölu f.h. borgarráðs á grundvelli samþykktar þessarar.

Áður en götu- og torgsölunefnd afgreiðir leyfi samkvæmt samþykkt þessari skal liggja fyrir sérstakt afnotaleyfi SRU fyrir afnotum af viðkomandi svæði á borgarlandi.

Götu- og torgsala tekur til hvers kyns tímabundinnar sölustarfsemi sem fer fram á borgarlandi, s.s. á torgum, götum, gangstéttum og í almenningsgörðum. Götu- og torgsala er leyfis skyld og eru leyfi gefin út í tilgreindan tíma af USK.

Undir götu og torgsölu fellur ekki námskeiðshald, kennsla, kynningar, sýningar, minniháttar góðgerðasala og viðburðir, hvort sem er í vögnum, bílum, gámum eða undir beru lofti.

Ávallt skal:

- Tryggja örugga og greiðfæra umferð vegfarenda.
- Tryggja aðgengi viðbragðsaðila, s.s. lögreglu og slökkviliðs.
- Gæta hreinlætis og sjá til þess að umhverfi sölusvæðis sé snyrtilegt og úrgangur sé flokkaður og honum fargað á endurvinnslustöð.
- Afla tilskilinna leyfa heilbrigðiseftirlits vegna sölu matvæla.

Söluaðstaða getur m.a. verið í:

- Sölubifreið
- Söluvagni
- Söluskála, tjaldi, sölubás
- Opnu rými undir berum himni t.d. á borði, undir sólhlíf, á teppi eða sambærilegu.

Söluaðstaða flokkast eftir tegund, stærð og þyngd (sjá töflu 1. „Flokkun söluaðstöðu“ í gr. 3.2) og takmarkast staðarval samkvæmt flokkuninni. Leyfisveiting byggist einnig á mati á umsóknum þar sem gerð er grein fyrir sölustarfsemi, vöruframboði og útliti söluaðstöðu. Lögð er áhersla á fjölbreytileika á hverju sölusvæði. Meginreglan er að sölubifreiðar séu í bílastæðum en söluvagnar og önnur söluaðstaða á torgum, gangstéttum og í almenningsgörðum.

Á sölusvæði er hvorki gert ráð fyrir tengingum við fráveitu né vatnsveitu. Á einstaka sölusvæðum er boðið upp á tengingu við rafveitu og er áætluð notkun greidd skv. gjaldskrá.

2. gr.

Svæðaskipting götu- og torgsölu og afnot af borgarlandi

Borgarlandinu er skipt upp í kjarna miðborgar og 10 hverfasvæði utan við kjarnann, sjá kort í fylgiskjali 1.

Innan kjarna miðborgar er eingöngu hægt að sækja um á fyrirfram skilgreindum sölusvæðum, sjá skilgreind svæði á afmörkuðu korti í fylgiskjali 2. Á hverfasvæðum eru engin skilgreind sölusvæði og er umsækjendum heimilt að koma með tillögur að svæðum.

Lágmarksfjarlægð frá inngangi næsta rekstraraðila skal vera að minnsta kosti 20 m í kjarna miðborgar. Meginreglan er að fjarlægð söluaðstöðu skuli vera 50 m frá sambærilegum rekstri innan hverfasvæða.

3. gr.

Umsóknarferli, málsmeðferð og valkostir

- Umsækjandi um götu- og torgsöluleyfi getur nálgast upplýsingar á vefslóðinni: <http://reykjavik.is/thjonusta/gotu-og-torgsala>
- Leyfisveitandi auglýsir, eigi síðar en 1. febrúar á heimasíðu borgarinnar hvenær opnað verður fyrir umsóknir um götu- og torgsöluleyfi
- Sótt er um leyfi í gegnum Rafræna Reykjavík á heimasíðu Reykjavíkurborgar.
- Eftir því sem að umsóknir berast frá og með tilteknum fyrirfram auglýstum degi eru þær auðkenndar með dagsetningu og tíma og móttaka staðfest.
- Við afgreiðslu umsóknar er stuðst við regluna „fyrstur kemur fyrstur fær“.
- Forsendur fyrir notkun á borgarlandi eru að viðbragðsaðilar s.s. lögregla, slökkvilið og sjúkraflutningar hafi þar ávallt greiðan aðgang og viðunandi starfsskilyrði.
- Handhafi götu- og torgsöluleyfis skal uppfylla ákvæði laga nr. 28/1998 um verslunaratvinnu.
- Umsækjandi sem selja vill matvæli skal sækja um starfsleyfi til heilbrigðiseftirlits Reykjavíkur samkvæmt lögum um matvæli nr. 93/1995 með síðari breytingum.
- Umsækjandi sem selja vill merkingaskylda efnavöru s.s. snyrtivörur skal sækja um til Umhverfisstofnunar.
- Sækja þarf um sérstakt leyfi fyrir sölu á 17.júní, Reykjavík Pride og Menningarnótt. Önnur leyfi innan miðborgarkjarna gilda ekki þá daga.

3.1. Markaðssala – einyrkjar

- Hægt er að sækja um tímabundin söluleyfi sem gilda frá 1. hvers mánaðar á skilgreindum markaðssvæðum á tímabilinu 1. apríl – 1. nóvember. Sala er heimiluð frá kl. 09:00-21:00. Sækja þarf um leyfi fyrir tvo mánuði að lágmarki og skal leiga greidd fyrir undirritun samnings.
- Eftirfarandi svæði eru skilgreind sem markaðssvæði:
 - Bernhöftstorfa, Lækjartorg, Ingólfstorg, Frakkland (garður efst á Frakkastíg) og getur leyfishafi flutt sig milli þessara staða að vild.
 - Leyfishafa er gert skylt að víkja séu afnotaleyfi veitt vegna stærri viðburða á ofangreindum svæðum, með vísan til 7. gr. 4. mgr. samþykktar þessarar.

- Umsækjandi sem fær vilyrði úthlutunarnefndar fyrir leigu á sölusvæði fær senda kröfu fyrir leigugjaldi sem greiða skal innan 10 daga. Berist leigugjald ekki innan tilskilins frests fellur vilyrði niður.
- Óskir um framlengingu sendist á torgsala@reykjavik.is fyrir 10. hvers mánaðar.

Settir eru fyrirvarar um að merkingar á söluaðstöðu og sölusvæði séu í fullu samræmi við umfang og eðli sölustarfseminnar.

3.2. Nætur- og dagsala

- Tímabil nætur- og dagsölu er tólf mánuðir og hefst 15. maí ár hvert.
- Lokað verður fyrir umsóknir vegna yfirstandandi tímabils eftir 15. janúar.
- Hálf árgjald greiðist fyrir yfirstandandi tímabil ef umsókn berst eftir 1. október.

Úthlutun byggir á tveimur meginþáttum:

1. Reglunni fyrstur kemur fyrstur fær.
2. Kröfu um fjölbreytileika og mismunandi framboð á þjónustu.

Umsóknir verða samþykktar í þeirri röð sem þær berast fyrir hvert svæði sem sótt er um, þó með fyrirvara um fjölbreytni. Leyfisveiting byggist einnig á mati á umsóknum þar sem gerð er grein fyrir sölustarfsemi, vöruframboði og útliti söluaðstöðu. Lögð er áhersla á fjölbreytileika á hverju sölusvæði.

- Í umsókn skal tilgreina ósk um staðsetningu og nákvæmar upplýsingar um söluvagn/bifreið;
 - stærð
 - þyngd
 - staðsetningu söluops
 - sorpílát
 - orkugjafa
 - raforkuþörf sölustarfseminnar (kW) þar sem við á
 - myndir af söluaðstöðu
 - mynd af sölusvæði þegar sótt er um hverfasvæði
 - lýsing á því hvernig söluaðstöðu er komið að og frá sölusvæði.
 - umsækjandi skal gera grein fyrir geymslustað söluaðstöðu utan sölutíma.

Umsækjandi sem fær vilyrði úthlutunarnefndar fyrir leigu á sölusvæði fær senda kröfu fyrir leigugjaldi sem greiða skal innan 10 daga. Berist leigugjald ekki innan tilskilins frests verður svæðinu úthlutað að nýju.

Hver og einn söluaðili má að hámarki hafa tvö ársleyfi í kjarna miðborgar, þó aðeins eitt nætursöluleyfi.

Ef umsóknir berast fyrir sölusvæði sem þegar hefur verið úthlutað þá er þeim umsóknum hafnað og umsækjendur upplýstir.

Leyfisveitanda er heimilt að hafna umsóknum ef hann telur að sú starfsemi sem í umsókninni felst uppfylli ekki kröfur til sölustarfsemi og/eða að starfsemin uppfylli ekki kröfur um fjölbreytileika og mismunandi framboð á þjónustu. Umsóknum án tilskilinna gagna og leyfa er hafnað.

Lögð er áhersla á að söluvarningur sé viðbót við það vöruframboð sem fyrir er hjá nærliggjandi verslunar- og þjónustuaðilum.

Leyfisveitanda er heimilt að fella leyfi úr gildi hafi leyfishafi ekki hafið sölustarfsemi innan mánaðar frá undirritun samnings.

Leyfisgjöld ákvarðast skv. gjaldskrá sem endurskoðast árlega.

Tafla 1 - Flokkun söluaðstöðu:

Söluaðstaða í vélknúnu Ökutæki*			
Flokkur	Hámarksstærð	Heildarþyngd	Athugasemdir
A	350x160 cm	<1000 kg	
B	800x255 cm		Aðeins í boði utan miðborgarkjarna

Önnur söluaðstaða en vélknúið ökutæki			
Flokkur	Hámarksstærð**	Heildarþyngd	Athugasemdir
C	350x160 cm	<1000 kg	t.d. vagn/kerra, hjól, skáli, tjald, sölubás borð,
D	350x255 cm	<3500 kg	
E	450x255 cm	<3500 kg	
F	800x255 cm		Aðeins utan miðborgarkjarna á bílastæðum

* Skv. "Reglugerð um gerð og búnað ökutækja" - <https://www.reglugerd.is/reglugerdir/allar/nr/822-2004>

** Stærðir án dráttarbeislis

3.2.1 Dagsölusvæði

Eftirfarandi svæði innan miðborgarkjarna eru skilgreind sem dagsölusvæði. Sala er heimiluð frá kl. 09:00 – 21:00.

- Frakkastígur (Frakkland) - 1 sölusvæði (A og C) Öll umferð dráttarbíla bönnuð
- Skólavörðuholt - 2 sölusvæði (A,C og D)
- Mæðragarður - 2 sölusvæði (A,C, og D)
- Fógetagarður – 3 sölusvæði (A og C) Öll umferð dráttarbíla bönnuð
- Hlemmur – 2 sölusvæði (A,C og D)
- Arnarhóll – 1 sölusvæði (A og C)
- Kalkofnsvegur - 1 sölusvæði (A og C)
- Vitatorg 4 sölusvæði (A,C og D) Öll umferð dráttarbíla bönnuð
- Bernhöftstorfa 2 sölusvæði (A og C) Öll umferð dráttarbíla bönnuð

Staðsetning sölusvæða er skv. teikningum í fylgiskjali 2.

Staðsetningar innan sölusvæða er skv. teikningum í fylgiskjali 3.

3.2.2 Nætursala

Hægt er að sækja um söluleyfi fyrir söluaðstöðu á Lækjartorgi. Um er að ræða 6 sölusvæði. Sala er heimiluð frá kl. 22:00 – 04:30.

Á svæðinu er heimilt að vera með söluaðstöðu í flokkum A,C,D og E. Staðsetning sölusvæða er skv. teikningu í fylgiskjali 3.

3.2.3 Hverfasvæði

Allt að 5 söluaðilar geta samtímis verið með leyfi á sama hverfasvæði. Sala er heimiluð frá kl. 09:00 – 21:00.

Söluaðilum er frjálst að sækja um staðsetningu innan hverfasvæðis í samræmi við gildandi deiliskipulag. Meginreglan er að fjarlægð söluaðstöðu skuli vera 50 m. frá sambærilegum rekstri. Götu- og torgsölunefnd skal samþykkja allar staðsetningar.

Sækja þarf um leyfi fyrir þrjá mánuði að lágmarki og skal leiga greidd fyrir undirritun samnings.

Á hverfasvæði er heimilt að vera með söluaðstöðu í flokkum A,B,C,D,E og F. Söluaðstaða skal falla vel að nærumhverfi og vera samþykkt af götu- og torgsölunefnd.

3.2.4 Sérstök sölusvæði vegna stærri viðburða

Götu- og torgsölunefnd úthlutar sérstökum sölusvæðum vegna 17. júní, Reykjavík Pride og Menningarnætur í samráði við Menningar- og ferðamálasvið. Hægt er að sækja um leyfi samhliða umsóknum um nætur- og dagsölu.

- Eindagi leigugjalds vegna 17.júní er 1.apríl.
- Eindagi vegna Reykjavík Pride og Menningarnætur er 15.júní.
- Leigugjald skal hafa verið greitt fyrir undirritun samnings.
- Leigugjald er ekki endurkræft.

Samþykkt þessi gildir að öðru leyti ekki um sölustarfsemi á viðburðum á vegum einkaaðila enda liggja fyrir afnotaleyfi fyrir viðkomandi svæði.

Flokkun söluaðstöðu ræðst af þeirri staðsetningu sem valin verður hverju sinni.

3.2.5 Sumarsala

Sumarsala fer fram á skilgreindum svæðum í almenningsgöðum, sjá teikningar fylgiskjali 3. Öllum er heimilt að sækja um leyfi fyrir sumarsölu, óháð fjölda ársleyfa.

- Sala er heimiluð frá 15.maí til 15.september.
- Sumarsala er einungis heimiluð fyrir söluaðstöðu í flokkum A og C.

3.3 Stærri markaðsviðburðir

Hægt er að sækja sérstaklega um afnot af borgarlandi utan skilgreindra sölusvæða götu- og torgsölu fyrir stærri markaði í margvíslegum tilgangi. Skilgreina þarf í umsókn óskir um landsvæði, stærð þess og staðsetningu, tímalengd afnota, fjölda söluaðila, vöruframboð, útlit og umgjörð sölustarfsseminnar.

Flokkun söluaðstöðu ræðst af þeirri staðsetningu sem valin verður hverju sinni.

4. gr.

Skyldur leyfishafa - Umgengni

Eftirfarandi kröfur eru gerðar til leyfishafa:

- Umhverfi sölusvæðis skal haldið hreinu þ.m.t. hvað varðar rusl og annan óþrifnað sem á uppruna sinn á útveitingasvæðinu og borist hefur í næsta nágrenni.
- Úrgangur skal flokkaður og honum fargað á endurvinnslustöð.
- Leyfishafi skal ávallt skila sölusvæði í sama ástandi og hann tók við því. Skemmdir á umhverfi sölusvæðis af völdum leyfishafa verða lagfærðar af USK á kostnað viðkomandi leyfishafa.
- Fjarlægja skal söluaðstöðu ásamt öllum aðfluttum búnaði og sorpi af sölusvæði eftir lokun. Engin ummerki skulu vera um starfsemina utan skilgreinds sölutíma.
- Leyfishafi skal annast snjómokstur og hálfuvarnir í nánasta umhverfi sínu, þannig að öryggi vegfarenda verði á hverjum tíma tryggt.
- Leyfisskírteini skal vera sýnilegt viðskiptavinum í söluaðstöðu.
- Um útlit, stærð og þyngd á hverju sölusvæði gilda tilteknar takmarkanir sbr. töflu (sjá töflu 1. „Flokkun söluaðstöðu“ í gr. 3.2).
- Afnotaleyfi þarf fyrir akstri bifreiða á torgum og almenningsgördum.
- Óheimilt er að staðsetja bifreið á sölusvæði nema rétt á meðan tenging og aftenging á sér stað.

Verði misbrestur á ofangreindu geta borgaryfirvöld að undangenginni viðvörun látið fjarlægja söluaðstöðu, látið hreinsa sölusvæðið á kostnað leyfishafa og fellt leyfi úr gildi.

5. gr.

Útlit og merkingar

- Útlit söluaðstöðu skal fara vel í umhverfinu og efnisnotkun, ásýnd og yfirbragð vera vandað og við hæfi þar sem salan á að eiga sér stað. Við afgreiðslu umsókna er leitast við að ná fram fjölbreytileika í gerð, formi og útliti söluaðstöðu.
- Óheimilt er að setja upp hvers kyns auglýsingaskilti og merkingar varðandi söluaðstöðu utan við skilgreint sölusvæði. Skilti og merkingar innan skilgreinds sölusvæðis mega aðeins auðkenna viðkomandi sölustarfsemi og gilda þar um takmarkanir á stærð og útliti sbr. „Reglur um afnot af borgarlandi vegna skilta og útstillinga“
- Öll viðföng, ruslafötur, skilti, merkingar og hvað annað sem tilheyrir starfseminni skal staðsetja innan þess svæðis sem leyfið kveður á um. Óheimilt er að hengja varning, skilti eða aðrar merkingar, borða og bönd í nærliggjandi tré, húsveggi, skilti, staura o.s.frv, nema með samþykki götu- og torgsölunefndar. Útstillingahlutir, skilti o.fl. mega ekki byrgja sýn á opinber skilti eða búnað til umferðarstjórnunar eða hindra umferð vegfarenda í borginni.

6. gr.

Almenn ákvæði og skilmálar

- Götu- og torgsöluleyfi er ekki hægt að framselja eða framleigja. Götu- og torgsölu er óheimilt að stunda annars staðar en leyfið kveður á um.
- Leyfishafi skal greiða leyfisgjald, skv. gjaldskrá, fyrir undirritun samnings.

- Götu- og torgsala má ekki skerða öryggi og aðgengi gangandi, hjólandi og akandi umferðar eða birgja glugga rekstraraðila á sölusvæðinu. Gerð er sú krafa að frí gangstéttarbreidd sé minnst 1,5 m.
- Borgin leggur áherslu á umhverfisvæna starfsemi.
 - Tryggja skal að ekki hljóti mengun af starfseminni.
 - Mælt er til að söluaðstaða sé flutt eftir stígum almenningagarða, gangstéttum og torgum með handafla eða þar til gerðum rafbúnaði.
 - Mælt er til að ekki séu notuð einnota áhöld úr plasti eða plastumbúðir s.s hnífapör, diskar, drykkjarrör, glös, pokar osfrv. eða notkun þeirra er takmörkuð eftir fremsta megni.
 - Mælt er til að boðið sé upp á barnaskammta til að stemma stigu við matarsóun.
 - Mælt er til að notaðar séu umhverfisvottaðar vörur.
 - Gerð er krafa um að rusl sé flokkað bæði innan og utan söluvagns í þar til gerðar flokkunartunnur.
 - Lágmarka skal lausagang bifreiða í tengslum við flutning söluaðstöðu.

7. gr.

Uppsögn, lok og afturköllun söluleyfis

Eftirfarandi ákvæði gilda um uppsögn, lok og afturköllun söluleyfis:

- Leyfi getur að undangenginni viðvörun verið felld úr gildi hafi leyfishafi brotið ákvæði þessarar samþykktar.
- Leyfi getur hvenær sem er verið afturkallað ef áform eru um að svæðið verði notað í opinberum tilgangi, skal þá endurgreiða leyfishafa eftirstöðvar leyfisgjalds.
- Leyfi getur verið afturkallað ef samfellt rof myndast á sölustarfsemi í meira en tvo mánuði.
- Leyfishafa er gert skylt að víkja eða eftir atvikum laga sig að vega- og byggingaframkvæmdum og viðburðum á götu- og torgsölusvæðum sem geta leitt til tímabundins flutnings og/eða afturköllunar leyfis. Leyfishafa skal tilkynnt um slíkar ráðstafanir með fyrirvara. Ekki eru greiddar bætur fyrir tímabundna afturköllun á götu- og torgsöluleyfi vegna veghalds eða annarra verkefna veghaldara og landeigenda, t.d. þar sem lagnir eða leiðslur hafa brostið.
- Við uppsögn leyfis hvílir sú kvöð á leyfishafa að fjarlægja strax söluaðstöðu þ.m.t. alla fylgihluti og innréttingar af sölusvæði. Ef verkið er ekki unnið innan tilgreinds tímafrests áskilur USK sér rétt til að framkvæma þá vinnu á kostnað viðkomandi leyfishafa.
- Leyfisgjald fæst ekki endurgreitt eftir að leyfi hefur verið gefið út, nema í þeim tilfellum sem fjallað er um í 2. mgr. þessarar greinar.

8. gr.

Aðrar reglur og yfirvöld

Götu- og torgsöluleyfi tekur ekki til sölu á 17. júní, Reykjavík Pride og Menningarnótt. Menningar- og ferðamálasvið ákveður staðsetningu og fyrirkomulag götu- og torgsölu á þeim hátíðum.

Leyfishafar skulu hlíta gildandi lögum, reglum og viðmiðum sem ná yfir starfsemina og umgjörð hennar. Í þeim tilvikum sem starfsemin krefst frekari leyfa en götu- og torgsöluleyfis skal leyfisumsækjandi afla þeirra.

Eftirlit er haft með leyfishöfum götu- og torgsölu. Óleyfisstarfsemi verður tilkynnt til lögreglu.

9. gr.
Bráðabirgðaákvæði


Fullnægjandi umsókn sem borist hefur fyrir gildistöku samþykktar þessarar skal afgreidd í samræmi við samþykkt borgarráðs um götu – og torgsölu dagsett 15. janúar 2015.

10. gr.
Gildistaka

Við gildistöku samþykktar þessarar fellur úr gildi samþykkt borgarráðs um götu – og torgsölu dagsett 15. janúar 2015.


Fylgiskjal 1. Kort af svæðaskiptingu götu- og torgsölu í Reykjavík.
Fylgiskjal 2. Kort af skilgreindum staðsetningum innan kjarna miðborgar.
Fylgiskjal 3. Teikningar af einstökum sölusvæðum innan kjarna miðborgar
Fylgiskjal 4. Gjaldskrá sem tekur breytingum skv. fjárhagsáætlun Reykjavíkurborgar.

Samþykkt í borgarráði ____ .desember 2017



Miðborgarkjarni


Fylgiskjal 2



Dagsölusvæði innan miðborgarkjarna


Fylgiskjal 3

Arnarhóll stæði – Dagssala




1 stæði fyrir dagssölu
Aðeins sjálfbærir vagnar
Flokkur A, C og D
Aðkoma um Hverfisgötu

Fógetagarður stæði - Dagssala




3 stæði fyrir dagssölu
Rafmagn á tveim stöðum
Flokkur A og C
Þröng aðkoma um Kirkjustræti
Umferð dráttarbíla ekki leyfð

Skólavörðuholt stæði – Dagssala



2 stæði fyrir dagssölu (Frakklandsgarði og við Tækniskóla)
Rafmagn
Flokkur A, C og D í stæði 1
Flokkur A, C í stæði 2
Aðkoma um Frakkastíg
Umferð dráttarbíla ekki leyfð á stæði 2

Hlemmur stæði – Dagssala



2 stæði fyrir dagssölu
Rafmagn
Flokkur A, C og D
Aðkoma um Rauðarárstíg eða Laugaveg

Kalkofnsvegur stæði – Dagssala



1 stæði fyrir dagssölu
Aðeins sjálfbærir vagnar
Flokkur A, C og D
Aðkoma um Kalkofnsveg

Mæðragarður stæði - Dagssala



2 stæði fyrir dagssölu
Rafmagn
Flokkur A, C og D
Aðkoma um Lækjargötu

Vitatorg stæði – Dagssala



4 stæði fyrir dagssölu
Rafmagn
Flokkur A, C, D og E
Aðkoma um Vitastíg
Umferð dráttarbíla ekki leyfð

Lækjartorg – Kvöld og nætursala




6 stæði fyrir kvöld og nætursölu
Rafmagn á tveim stöðum
Flokkur A, C, D og E
Aðkoma um Austurstræti

Hljómskálagarður stæði – Sumarsala




2 stæði fyrir dagssölu
Rafmagn
Flokkur A,C
Aðkoma um Sóleyjargötu
Umferð dráttarbíla ekki leyfð

Klambratún stæði - Sumarsala



2 stæði fyrir dagssölu
Aðeins sjálfbærir vagnar
Flokkur A,C
Aðkoma um göngustíga
Umferð dráttarbíla ekki leyfð

Laugardalur- Sumarsala



2 stæði fyrir dagssölu
Aðeins sjálfbærir vagnar
Flokkur A,C
Aðkoma frá Laugardalsvelli
Umferð dráttarbíla ekki leyfð

Götu- og torgsala Gjaldskrá

Götu- og torgsöluleyfi

Lýsing	Eining	2018 Gjaldskrá	2017 Verð	Hækkun
1. Markaðssvæði (Torgsöluleyfi) 3.1.				
- Bernhöftstorfa	mánaðarleyfi	21.600	21.600	0,00
- Lækjartorg	mánaðarleyfi	21.600	21.600	0,00
- Ingólfstorg	mánaðarleyfi	21.600	21.600	0,00
- Frakkland efst á Frakkastíg	mánaðarleyfi	21.600	21.600	0,00
2. Dagsölusvæði 3.2.1				
• Skólavörðuholt - 1 stæði.	ársleyfi	185.000	158.600	16,65
• Fógetagarður – 3 stæði	ársleyfi	125.000	105.700	18,26
• Vitatorg 4 stæði.	ársleyfi	125.000	105.700	18,26
• Mæðragarður - 2 stæði.	ársleyfi	125.000	105.700	18,26
• Hlemmur – 2 stæði.	ársleyfi	125.000	105.700	18,26
• Frakkastígur (Frakkland) - 1 stæði.	ársleyfi	200.000		
• Arnarhóll – 1 stæði.	ársleyfi	200.000		
• Kalkofnsvegur - 1 stæði.	ársleyfi	200.000		
• Bernhöftstorfa 2 stæði.	ársleyfi	150.000		
3. Nætursala 3.2.2				
- Lækjartorg	ársleyfi	310.000	264.200	17,34
4. Hverfasvæði 3.2.3				
	mánaðarleyfi	21.600	21.600	0,00
5. Sérstök sölusvæði vegna stærri viðburða 3.2.4				
- 17. júní	dagsleyfi	55.000	52.900	3,97
- Gay-pride	dagsleyfi	80.000	79.500	0,63
- Menningarnótt	dagsleyfi	110.000	105.700	4,07
6. Sumarsala 3.2.5				
	mánaðarleyfi	21.600	21,100	
7. Stærri markaðsviðburðir 3.3				